

In num rumantsch per il nov tren

Tusaun: Battesim dal nov tren «Alvra»

DA GION NUTEGN STGIER / ANR

■ La Viasier retica ha cumprà sis novs trens ed investescha per quels 124 milliuns francs. A partir da l'avust duai cursar l'emprim nov tren sin la lingia da l'Alvra. A Tusaun è vegnì battegià il nov tren cun il num «Alvra». Dapi intginas emnas fa la Viasier retica tests cun l'emprima da las sis cumpozizioni dals novs trens «Alvra». Gia a partit da questa stad duai cursar l'emprim da quels trens e quai tranter Cuira e San Murezzan. Il mais da favrer 2017 vegnan ulteriurs quatter trens en funcziun ed uschia a dretg temp per il Campionati mondial da skis a San Murezzan. A

chaschun dals dis dal patrimoni mundial da l'Unesco è vegni inaugurà a Tusaun il nov tren e battegià quel han inscun il num «Alvra». En preschientscha da giasts da politica, economia e turismem han uffants battegià il nov tren. Per la Viasier retica saja quai in grond moment, ha ditg *Stefan Engler*, il president dal cussel d'administraziun da la Viasier retica. La lingia da l'Alvra tutga tarina da las grondas pedras da la Viasier retica e sin ina pedra duajan er cursar trens singulars sco il tren «Alvra».

In char adattà per far fotografias

Furnì l'emprima da sis cumpozizioni dal nov tren per la lingia da l'Alvra ha

il constructur Stadler Altenrhein. Il nov tren resguarda il basegns da persunas cun impediments, el ha fanestras panoramas, è indrizzà confortabel ed ha er in char aposte per fotografias. Perquai èn las fanestras spezialmain grondas e singular èlura er il char cun ina partizion da temp liber, adattà cunzunt per famiglias cun uffants. Bler plaz cumpiglia il nov tren er per da tuttas sorts urdains da sport. Il tren ha ina lunghezza da 132 meters, inclus la locomotiva ed ha in pais brut da 196 tonnas. Cun il nov tren «Alvra» duai il viadì da Cuira a San Murezzan daventar ina anc pli gronda aventura, ha ditg *Renato Fasiati*, il nov directur da la Viasier retica.

fier retica. Tut en tut porscha in tren plaz a 63 passagiers da la 1. classa ed a 217 da la 2. classa. Quellas sis cumpozizioni da tren, cun set chars, custan 124 milliuns francs.

Grond interess per ils 1. Dis svizzers da l'Unesco

La davosa fin d'emna han gi lieu ils 1. Dis svizzers dal patrimoni mundial cultural da l'Unesco. Er la Viasier retica è sa participada a quella occurrenza e l'interess per quella è stà grond. Dapi il 2008 è la lingia da l'Alvra e dal Bernina part dal patrimoni mundial cultural da l'Unesco, uschia che la Viasier retica profitescha fitg da quella

onur. *Christian Florin*, fin avant curt temp anc directur ad interim dal manaschi, ha ditg ch'il pass Unesco sa vendia bain e tuttina saja grev da dir quants passagiers che fetschian diever da la viasier aposte be pervia da quella distincziun. La davosa fin d'emna ha en tuts cas testifitgià che la Viasier retica e cunzun il traject da l'Alvra, omadus èn fitg populars. Tschientz e tschientz èn vegnids als 1. Dis svizezrs dal patrimoni mundial cultural da l'Unesco ed èn sa divertids cun trens da vapur istorics, cun retschäiver bleras infurmaziuns e cun giudair spezialitads culinaras per lung dal traject da l'Alvra da Tusaun fin Tirano.



La direcziun da la Viasier retica cun il representant dal constructur dal tren «Alvra».



Andreas Bass (a san.) da la direcziun da la Viasier retica dat infurmaziuns a Vitus Dermont, il president dal cussel grond.

FOTOS G. N. STGIER